



DPRIMA SESSIONE STRASURDINARIA DI U 2019
1ERE SESSION EXTRAORDINAIRE DE 2019
31 DI GHJENNAGHJU È 1^U DI FERRRAGHJU
31 JANVIER ET 1ER FEVRIER

2018/O2 /080

DUMANDA POSTA DA U GRUPPU Per l'AVVENE

UGETTU : Abilitazione di a Cummissione permanente

O Sgiò Presidente,

L'articulu 30 di a Lege NOTRe (7 d'aostu 2015) hà creatu a pussibilità pè l'Assemblea di Corsica « di mudificà in cor'di mandatu a lista di e cumpetenze ch'ella hà delegatu à a Cummissione permanente »

Una dispusizione cudificata ind'u CGCT in lu so articulu L.4422-9-2, chì rinvia à un antru articulu (articulu L.4133-6-1) di u listessu codice chì s'appiega à tutte e regione è chì dice chì « *u cunsigliu regiunale fissa, da una deliberazione aduttata allocc'à trè mesi à cuntà da u so rinuvellamentu, a lista di e cumpetenze chì u so eserciziu hè, sottu à u so cuntrollu, delegatu à a so cummissione permanente* ».

Dapoi u 2015 è soprattuttu dapoi u 2017, l'abilitazione di a cummissione permanente hè prisintata cù ragiò cum'è un mecanisimu di raziunalizazione istituzionale chì permette di alligeri e sedute pubbliche, sapendu chì l'esame in cummissione organica saria naturalmente mantinutu in i stessi termini.

Dapoi u principiu di a mandatura, u nostru gruppu cum'è altri gruppi, è dinù u Presidente di l'Assemblea di Corsica vi anu mintuvatu l'interessu di mette in ballu stu mecanisimu riguardu à l'ingorgu rigulare di i travagli di l'Assemblea è di fà chì e sessione possu esse dedicate à certi sugetti, micca ch'elli sianu più di primura, ma chì volenu dibattiti. Rispondite regolarmente chì si ne parlerà à a sessione siguente ma u dibattitu ùn si face è ùn si sà chì sarianu e mudalità precise di l'abilitazione.

Malgratu e dumande chì si ripetenu, ùn sapemu dunque perchè chì issa opportunità rtunità data da u legislatore, ùn hè messa in opera puru chì si vecanu e difficoltà ch'è no scuntrmu per via di l'ampiezza è di u numeru di raporti.

U dirittu cumunu impone a scadenza di 3 mesi dopu à u rinuvellamentu per stabilisce st'abilitazione – sò 11 mesi avà – è e dispusizione specifiche à a Corsica ci pemette-

nu di mudificà st'abilitazione in cor'di mandatu. Nantu à sta basa, vuleriamu cunnosce e vostre intenzione in termini di scadenze è di mudalità di selezione di i raporti pè i quali a Cummissione permanente si puderia sustituisce à l'Assemblea di Corsica.

Vi ringraziu.